

# UGOVOR

## UGOVORNE STRANE:

Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida (skraćeni naziv: Fond memorijala), ul. Širokac 22, Sarajevo, koga zastupa v.d. direktor Suad Zijadić, prof. (u daljem tekstu: Ugovorni organ)

i  
Društvo za proizvodnju, trgovinu i usluge « FADŽ-COMPANY », d.o.o., ul. Tuneli br. 30, Ilidža, koga zastupa direktor Fikret Tuzlak, (u daljem tekstu: Dobavljač)

## I PREDMET UGOVORA

### Član 1.

Predmet ovog ugovora je izvođenje radova na zaštiti i farbanju ograda i kapija na mezarjima šehida i poginulih boraca, a sve prema Predmjeru radova Ugovornog organa i cijenama iz Ponude Dobavljač, broj: FADŽ-02-141/17 od 19.06.2017.godine, koji su sastavni dio Ugovora.

## II CIJENA I NAČIN PLAĆANJA

### Član 2.

Ugovorene strane su saglasne da *netto* vrijednost Ugovora iznosi  
Vrijednost *PDV 17%* iznosi

5.961,60 KM  
1.013,47 KM

Ugovorne strane su saglasne da ukupna vrijednost ugovora sa uključenim *PDV 17%* iznosi

6.975,07 KM

(slovima: šest hiljadadevetstotinasedamdesetpet i 07/100KM)

### Član 3.

Ugovorni organ se obavezuje da će isplatiti ugovorenu cijenu nakon izvršenja predmeta ugovora i internog tehničkog prijema, a u zakonskom roku od 15 /petnaest/ dana od datuma prijema ovjerene fakture od strane Ugovornog organa.

## III ROK

### Član 4.

Ugovorene strane su saglasne da je rok za izvršenje predmeta ugovora 0 /pedeset/ kalendarskih dana od dana obostranog potpisivanja ugovora.

### Član 5.

Ugovoreni rok se može produžiti samo:

1. u slučaju zakašnjenja uvođenja u posao, za onoliko dana koliko je trajalo to zakašnjenje,
2. u slučaju više sile, za onoliko dana koliko su trajali razlozi produženja izazvani tom silom.

### član 6.

U slučaju kašnjenja u izvođenju radova, do kojeg je došlo krivicom Dobavljača, isti će platiti ugovornu kaznu, u skladu sa Zakonom o obligacionim odnosima u iznosu od 1% vrijednosti ugovora, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti radova, koji su predmet ugovora.

Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa. Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati niti ih predvidjeti.

#### **IV MJESTO IZVRŠENJA UGOVORA**

##### **Član 7.**

Ugovorne strane su saglasne da je mjesto izvršenja ugovora sljedeća mezarja u Kantonu Sarajevo:

- Mezarje Kahrmani-Pazarić
- Mezarje Žiž-Novi Grad
- Mezarje Butmir – Ilidža
- Mezarje Boljakov potok – Novi Grad

#### **V OBAVEZE DOBAVLJAČA**

##### **član 8.**

Pored obaveza predviđenih postojećim građevinskim propisima za predmetnu vrstu radova, Dobavljač je posebno dužan:

1. da prilikom izvođenja radova preduzme sve mjere da ne nanosi štetu susjednim objektima, saobraćaju i trećim licima. Sve štete koje izvođenjem radova prouzrokuje trećim licima snosi isključivo Dobavljač;
2. da o svome trošku otkloni sve nedostatke koji nisu nastali na radovima krivicom Ugovornog organa;
3. da na zahtjev nadzornog organa Ugovornog organa ukloni sa gradilišta nekvalitetan materijal;
4. da po završetku radova, ukloni sve pomoćne objekte koje je koristio za potrebe izvođenja radova i uredi i očisti prostor od otpadaka i drugog neupotrebljenog materijala;
5. da na gradilištu obezbijedi mjere zaštite na radu zaposlenih radnika kako svojih tako i eventualnih kooperanata,
6. da održava izvedene radove do pripremanja istih.

##### **član 9.**

Dobavljač je obavezan da za svo vrijeme izvođenja radova uredno vodi građevinski dnevnik i građevinsku knjigu investicionih objekata. Potrebne podatke za građevinsku knjigu utvrđuje zajednički Nadzorni organ i predstavnik Dobavljača, a unosi ih stručno lice Dobavljača po uputstvima Nadzornog organa.

#### **VI NADZORNI ORGAN**

##### **Član 10.**

Za vršenje cjelokupnog nadzora nad izvođenjem ugovorenih radova Ugovorni organ ovlašćuje: *Tehnička komisija Fonda memorijala.*

##### **Član 11.**

Dobavljač radova odgovara za solidnost i kvalitet izvedenih radova za vrijeme od 2 /dvije/ godine, računajući od dana primopredaje radova. Unutar ovoga roka Dobavljač je obavezan da o svom trošku na pismeni zahtjev Ugovornog organa, otkloni sve nedostatke koji bi se pojavili na izvedenim radovima usljed nesolidnog izvođenja ili upotrebe nekvalitetnog materijala.

## VII OSTALE ODREDBE

### Član 12.

Ugovorni organ je dužan, po pismenoj obavijesti Dobavljača da je radove završio, zatražiti tehnički prijem u roku od 10 dana, ako se nadzorni organ Ugovornog organa uvjeri da su stvoreni uslovi za tehnički prijem.

### Član 13.

Sve izmjene i dopune ovog Ugovora mogu biti samo u pismenoj formi ovjerene i potpisane od strane ovlaštenih zastupnika ugovorenih strana.

### Član 14.

Ugovorene strane su saglasne da eventualno nastale sporove rješavaju putem svojih ovlaštenih zastupnika sporazumno, a ukoliko nastali spor ne budu mogle rješiti na predviđeni način, isti će rješavati nadležan sud u Sarajevu.

### Član 15.

Ugovor je sačinjen u 4 /četiri/ istovjetna primjerka od kojih Dobavljaču pripadaju 2 /dva/, Ugovornom organu 1 /jedan/ primjerak, a 1 /jedan/ primjerak Nadzornom organu.

### Član 16.

Ovaj ugovor stupa na snagu danom potpisivanja od strane ovlašćenih lica i završen je zaključno sa ovom klauzulom.

ZA UGOVORNI ORGAN  
v.d. DIREKTOR  
Suad Zijadić, prof.



Broj: 13-14-02-271/17  
Sarajevo, 22.06.2017.god.



Broj: 02.149/14  
Sarajevo, 28.06.2014

Jr